


no. 8

LE  
FINANCIER  
A MESSIEURS DES  
ESTATS.

M. DC. XV.



# LE FINANCIER, A Messieurs des Estats.

**M**ESSIEURS,  
Vous auez vne obligation extreme au  
sieur de Iuigny & à Beaufort, car aprehen-  
dans que le grand murmure qui est à Paris a  
cause de la mauuaise intelligence qui est entre  
vous, n'alterat les volonteiz du peuple, curieux  
de la conseruation de vostre honneur & de la  
reputation de la Frâce, ont fait courir des me-  
moires contre le corps des Financiers, se per-  
suadans que par la ils obligeroient les Fran-  
çois à la nouveauté de leur proposition, & les  
destourneroient de la sollicitude qu'ils pren-  
nent de sçauoir ce que vous ferez de bon en  
vostre assemblee:

Et certes comme il n'y a rien si doux que la  
vengeance, tout l'Estat qui croit estre volé par  
nous, reçoit comme de la main de Dieu ce qui  
tend à l'extirpation des maux dont on nous  
publie les auteurs, & estime que d'enuoyer  
vn Financier au Gibet, c'est faire œuvre meri-  
toire: C'est pourquoy des aussi tost que les  
beaux oracles de malheur & de desolation du  
Genre humain, ces mauuais Prophetes ont eu  
mis au iour le reestablissement de la Chambre  
de Iustice, vous tous ensemble auez creu, auez  
crié, qu'elle estoit necessaire & sans sçauoir  
contre qui vous agissez auez demandé à la  
Royne, qu'elle feust reestablie, qu'on procedast  
contre les financiers, qu'on les exterminast.

L'histoire sacrée nous apprend (& Dieu le

dit aussi) que maudit est celuy qui desire la mort de son semblable, qui la pourchasse, qui l'aduance: toutes les loix Diuines, les Politiques & Ciuilles le deffendent, & nous sçauons par experience que les mauuais desirs n'ont iamais vne fin heureuse.

Que croyez vous qu'il nous reüssisse de ceste demande? Vn iuste refus, & quand elle seroit accordee quel profit en esperez-vous? La ruine de quelque pauvre innocent, & quelque peu d'argent d'un gros coupable, car en telles recherches les pauvres seuls sont opprimez.

Quia iamais veu Chambre mieux faicte, ny mieux ordonnee que celle qui estoit en mil six cens sept, tous bons Iuges & le sieur Mango Procureur general du Roy: vn Edict d'abolition, vn milion imaginaire de liure, l'ont renouuee, & pourquoy? parce qu'on s'adressa aux gros Milours, il vous en arriuera de mesme croyez moy, & de toute ceste grande leuee n'en esperez que du vent.

Vous y auriez aussi du regret, car il n'y a aucun de vous qui n'appartienne au Financier & qui n'ait affaire de luy, & souuenez-vous que si vous passez iamais par nos mains nous nous souuiendrons de la rigueur dont vous nous voulez poursuiure.

Le Clergé nous doit des decimes nous ordonnerons à Castille & aux Receueurs Provinciaux de ne vous accommoder plus, de ne prendre plus l'ininterest pour l'attente de vostre taxe, nous ferons saisir vostre temporel, vendrons vos meubles, Chiens, Cheuaux, & Carrosses, & n'espargnerons pas mesmes Messieurs les Cardinaux, en sorte que vous maudirez la



# Chambre de Iustice & la Iustice mesmes.

Vous Noblesse n'esperez point qu'on vous acquitte vos Corruptions, ie voulois dire les rescriptions & assignations qu'on vous promet pour trahir vostre ordre, nous auons à present des Thresoriers des pensions & des premiers commis de l'Espargne (puis qu'il plaist à Madame la Mareschalle D'ancre, qui en a touché six cens mil liures) qui ne se contenteront pas de six deniers pour liure qui leur sont ordonnez, ny du tiers de vos pensions, vous leur en baillerez la moitié Dieu aydant, & ne serez gueres mieux payez du reste.

Les Thresoriers de l'Espargne puis qu'on les veut empescher de pescher en eau trouble, & que vous recherchez leur extraction, & leurs deportemens, ont resolu de ne vous payer plus aucun voyage encor' que la direction & Messieurs les Intendants nouvellement creés l'eussent ordonné.

Nos maistres de l'ordinaire & extraordinaire ont iuré & protesté de n'acquérir plus vos appointemens de Capitaines appointez, vous n'aurez plus de Passeuolâtaux môstres : L'entretènement de vos capitaineries, maisons fortes & Regimêts est mort, & si pour tout cela ne laisseront pas d'employer la faux roolle & les quittâces fauces dans leurs comptes, côme ils ont accoustumé & cōtinuerōt avec les Tre-soriers des ligues de voler les pauvres Suisses.

Au surplus il n'y a pas vn de vous qui ne doive à nous ou à nos parens, amis, Marchands, Sauetiers, Cordonniers, Rotisseurs, Patissiers & autres semblables especes d'hommes, nous auôs tous iuré & fait ligue offensiue & deffensiue

6  
d'apointer tous les Serges des Barrières de Paris, pour vous demôter & saisir vos cheuaux le jour que vo<sup>r</sup> sortirez de vostre assemblée des Augustins, & que vous aurez resolu ceste recherche & fort à propos, vous vous estes picquez contre les Lieutenans Generaux, car Monsieur le Lieutenant Ciuil a promis de nous bailler des Ammené sans scandale tant que nous en voudrons moyennant demy escu piece.

Quand au tiers estat qu'il se souuienne, qu'il passera par nos parties Casuelles, nous vous tiendrons la rigueur des quarante iours (encores que vous en ayez la dispense, nous vous battons de tant d'ancheres sur encheres & de stipóneries que vous serez contrains de nous crier mercy, ie vous recommande au sieur de Ligny qui n'entend point ce chiffre, & à Montescot où à son nouveau successeur, vous m'en sçaurez que dire au retour des plaids.

Pour le payement de vos rentes vous n'aurez qu'un tiers de vostre moitié, & si avec cela vous aurez à faire à Moisset & au Procureur Payen son Commis, ils ont le moyen de vous bailler de la monnoye de feu Rochebrune, qui ont le secret de falcifier vos signatures & escriptures qui sçauent faire de l'ancre qui s'en va en fumee, tesmoing Briant & Robin, & d'oster l'ancre sur papier, qui sçauent traiter des rentes: Bref de qu'il'exercice est de voller, & Dieu sçait, si voyants que vous demãdez vne chambre de Iustice perpetuelle & permanente sans espoir d'abolitions, il vous tailleront de la besongne, & vous traicteront gallemment de crainte qu'une seconde prison ne leur couste que la vie, au lieu que la premiere ne leur a

coſté que cent mil eſcus.

Quand aux aydes ie vous declare que vous renoncerez à boire du vin, ou vous payerez tous les ans à Faydeau deux fois autant qu'il rend de ſa ferme, car il la priſe avec ceſte condition de vous tyrannifer impunément ſous la foy de ſes Piſtolles.

Nous leuerons au ſurplus tant de deniers ſur vous, nous ferons expedier tant de Com-miſſions extraordinaires, nous augmenterons le breuet de la Taille, nous vous ferons tant de creations d'offices inutiles, tant de Conſeillers au Conſeil d'Eſtat ſuperflus, tant de nou-ueaux intendants de finances, tant de Treſoriers de Pons & Chauſſees, tant de Secretaires de la Chambre, nous vous traiterôs ſi mal ſur l'im-poſt du ſel, & ſur toutes les fermes: Bref nous obligerôs ſi bien à nous la Mareſchalle, & ſon Conſeil, que vous detesterez les denociateurs de la Chambre de Juſtice.

Repreſentez-vous, que Barbin eſt des no-ſtres, & qu'il gouuerne la Mareſchalle (a qui il a fait plus toucher d'eſcus par ſes tromperies que le feu ſieur Datichy n'auoit fait de teſtons à ce qu'elle dit) il vous brouillera ſi auant dans les affaires d'Eſtat que vous ferez menace de baſtonnades, ſi vous parlez pour le bien du ſer-vice du Roy, vous ferez ſi auant eſcripts dans ſes papiers que nous aurons raiſon de vous; nous nous en mocquerons à gorge ouuerte: Car nos Piſtolles & nos inuentions nouuelles ſont ſi fortes que nous nous ſçauons tirer du plus profond des Enfers: Et en tirer Megere



pour luy faire courre le monde & semer de la broüillerie dans les Estats, sans toutesfois vser des drogues des bons peres loyallistes.

Ne sçauéz-vous pas d'ailleurs que nous auôs les grands del'estat pour nous, le Conseil du Roy & la plus part des Cours Souueraines, vous l'auéz veu au gros procez de Moisset ou cent hômes de bien (autres que Fināciars) fus-sēt morts & il en a esté absous, c'est pourquoy Messieurs amusez-vous à des affaires plus serieuses, vous estes enuoyez pour autre subiect, & si la Royne eust creu que vous deussiez rebroüiller l'abolitiō qu'elle nous a faite accorder par le feu Roy, moyennant deux cens mil liures que nous baillames au Marquis Dancte, & qu'apresent vous ayez enuie d'ēpēscher le simple que le Roy luy a accordé, elle ne nous eust iamais mandé: Et cela est eause qu'on ne fera point de Cheualiers des ordres, & quand vacquera quelque pēſion, quelque Gouuernemēt, office, ou benefice, ce ne sera pas pour vo<sup>r</sup> mais bien pour les amis & confidens du Seigneur Mareſchal tesmoin Marmoutier Tours Amiēs, & l'intendance pour laquelle la guerre a esté faite, voire le gouuernement de Picardie qui a causé la disgrace de Mōſieur de Villeroy.

En quel estat croyez vous que soient à presēt les affaires de Frāce, en tres-mauuais termes: & voyezvous pas biē que L'espargne est si pauvre & la Bastille espuisee qu'il faut courir aux emprūts: on a par consequent affaire de nous & de nos bourses, & estimezvous qu'on nous face la guerre: ne le croyez pas: car si nous tourniōs le dos à la direction, elle seroit si bien renuerſee qu'elle



qu'elle ne se reſtabliroit iamais. Et le voyage de Bayonne ſeroit rompu ſans noſtre ſecours.

Les Threſoriers des parties caſuelles ont aduancé quatre cens mil liures ſur l'eſperance du droit annuel & Douelle cinquante mil ſur les cōfirmations: On retranche vn quartier des penſions des officiers, on veut meſmes reculer les rentes: Bref les aduis pour auoir argent ſont de faiſon, toutesſois ie vous aduiſe que de Verton a eſté maintenu en ſon party des cuiſs, & les offres d'un nommé monleray reiettees, bien qu'elles fuſſent plus grandes de cent cinquante milliures.

O que le Duc de Sully eſt aye à preſent, qu'il voit le meſnage de nos Meſſieurs, & qu'on les reclame tous les iours; il ſeroit bien neceſſaire de le r'apeler, pour de nouueau remplir la Baſtille, mais la direction ne le deſire pas, car il le bouleuerſeroit incontinent en les quatre-vingts ſix mil linres de penſion du meſpris du monde, & les penſions du nouueau intendant, quoy qu'en dit la Mareſchalle.

Vos diſſentions preſagent du mal à la France, vn mauvais euenement de voſtre entrepriſe, Chalanges avec les aduis qu'il baille vous ap-preſte de la beſongne: Voila que c'eſt de luy auoir ſauué la vie lors qu'il meritoit de la perdre, & d'auoir fait porter la peine de ſon delict au pauvre la Croix ſon Compagnon, do'ù penſez vous que Montauban ait pris les meſchancetez qu'il ſçait que de ſes Commis Payen, & Chalanges: Voyez l'hiſtoire de ſa vie dans la requette que Gendron à preſenté, il y a quelques mois à la Cour, & le plaidoyer que le Secretaire Vor-

din a fait imprimer contre luy, & vous verrez merueilles.

C'est à la Paulette où il nous faut attacher à present, que toutes les Cours conspirent contre vous, nous verrons là, vostre force ou vostre foiblesse, c'est au retranchement des pensions, à la descharge de la taille, à la reuocation de l'impôt & charges mises sur le sel, à l'abolition de toutes leues de deniers: A la suppression des Offices, à la reformation de la Iustice, bref ne dissimuler point le mal de l'Estat, n'en flatter point la maladie, en proposer le remede & en demander la guerison & la santé.

Ne vous laissez point corrompre & embrassez ce qui est iuste & vtile, car vostre chambre de Iustice ne vous apportera que des grandes charges, parce que vous n'y sçauriez establir aucun Officier de qui nous n'acquerions la bonne volonté à coups de pistolles, & ne sçavez vous pas que le dernier des intendans que vous mettez en vostre chambre, est de nostre cabale, & que depuis trois iours pour eslargir vn fermier de Lâguedoc detenu pour vne folle enchere, il a touché quatre cens pistoles, ou en lettres de change, ou en argent, qu'il ne verifie aucun estat des generalitez de son departemēt qu'il n'ait le pot de vin du Receueur general pour passer des parties fourrees qu'il y employe, & que d'ailleurs il aime le bon vin & les garces. O que c'est vn grand & puissant homme que le Financier, subtil & fin, & pour le pendre, Maistre Iean Guillaume n'est pas assez habile homme.

Qu'avez vous veu en vos iours Puget, du

Tremblay, & Murat prisonniers, Lancy, Fabry, Colomp, Preuost, le Febure, du Candal & d'autres en fuite, Gerraut pendu c'est tout: Or en la composition vous auez veu contre toute la bande, mais les seuls petits Officiers ont payé la folle enchere, & seuls en ont porté le fais, les Tresoriers generaux mesmes en ont esté, car on eur a fait payer six cens mil liures, & le reste est allé en fumee.

Si vous scauiez pourquoy Iuigny & Beaufort, vous en parlent, vous ne les escousteriez point c'est parce que nous n'auons plus vn Duc de Sully pour nous, la part qu'ils ont eue aux deux cens mil liures ordonnez aux denonciateurs qui auoient trahy leur maistre, & falsifié tant d'acquits & roolles, a esté trop petite pour eux, ils en veulent manger encores, les deniers qui viennent sans main mettre sont si friands qu'il en faut auoir de quelque costé qu'ils viennent, & ie m'assure si nous leur en voulions bailler ils feroient nos meilleurs amis iusques au reuoir.

Scachez ie vous prie de Morant ce qu'il a fait pour le pauvre Iuigny depuis la renocation de vostre Chambre de Iustice, aucune chose qu'a ascher d'estre payé de ce qu'il luy auoit presté pour n'estre des complices, aussi ne l'auiez vous point veu sur le paue de Paris, crainte des Anglois qui sont aux barrieres, & a esté contrainct de s'enfuyr en Normandie pour ne payer ses debtes.

Quant à Beaufort ce seroit vn iolly garçon s'il s'accommodoit avec nous, nous nous seruissions encor' de luy & si Rogais est mort, le Febure, du Candal & cent autres viuent enco-



res, qui ont affaire d'acquits des roolles & des ordonnances fauces, il y est fort expert : Mais c'est vn petit babillard, en la langue & foy duquel n'y a aucune assurance, à le pource de trop en la main, il seroit des meilleurs ioueurs de dez, s'il n'auoit plus que quatre doigts.

En quelle estime croyez vous qu'estoient anciennement les finances, on ne les tenoit qu'en fagotage de diuerses choses informes, mais à present c'est vne science infuse dans l'ame des hommes de ce siecle, en laquelle nos predecesseurs n'ont iamais rien cogneu, & de fait qu'on vous die qu'elles gens estoient ceux-là qui s'en mesloient & qui les distribuient, des bons vieux refuseurs, radoteurs, sçauoir des voisin lieu & saint Bonnet pour intendants, de Ballon & Garraut, Belle Affise Tresoriers de l'Espargne, qu'on nous monstre qu'ils ayent gaigné en leurs charges les millions d'or, ny qu'ils ayent laissé à leurs heritiers de belles maisons & terres, comme font nos maistres à leurs successeurs, il s'y sont tous appauuris : Mais à present nous auons fait cognoistre aux Presidents des Cours souueraines aux maistres des Comptes, & aux Aduocats du Palais, que c'est la diuine science, & la science des sciences, & n'y a pas iusques aux lacquais, aux marmitons de cuisine, & aux chaussetiers qu'ils ne s'y soient fourrez.

Voyez le charme de ceste science, il est si fort, que Iuigny voudroit bien en estre enforcelé à la charge de ne faire iamais recherche contre ceux qui leur auroient baillé le fort : Car vous voyez, qu'il nous oppose vn superintendant des finances,

Gentil-homme de maison & de merite, c'est à dire Sanson de saint Germain qui a long temps regné vne academie en ceste ville.

Sa modestie est digne de louange, car il n'a osé se nommer, & s'est contenté d'exprimer ses qualitez merites aux memoires qu'il a fait courir.

Nostre direction seroit bien remplie si on y adioustoit cest Escuyer, car pour le moins avec la houlssine, le caueillon & l'esperon, il rangeroit au deuoir les cheuaux eschappez de la compagnie. C'est vne belle escolle que ceste direction, on n'y allegue plus de digeste ny code, comme on faisoit au Palais, point l'escriture sainte, on n'y parle point de Dieu: Tout finances & finesses, & n'y a pas iusques à ceux qui font des liures du mespris du monde qui s'y font le plus valoir, aussi vous voyez que nos faiseurs de memoires disent, parlant d'eux, qu'ils tirent plus de quatre-vingts six mil liures par an, d'appointement & pensions, y compris tous les petits enfans qui sont à la mamelle, qu'on fait employer dans les Estats du Roy, & pourquoy non, puis qu'ils sont les Conseillers du Controлле, qu'ils en ont la bonne grace? Et apres de croire que ces gens facent contre nous qui les payons, ne le croyez pas, ils sont fidelles à tout fors à leurs maistres, qu'ils trahissent apres qu'ils les ont fait ce qu'ils font.

Ce sont les Isles fortunées, qui s'approche de nous est incontinent & pour iamais riche & opulent, la premiere qualite qu'ils prennent est de Conseiller d'Estats, leurs femmes Madame, l'autre est de partisan, & de faict y a tel qui a mesprisé de clabauder au barreau pour s'encren apres

l'intendance, & y faire de l'entendu, solliciteur toutesfois des Partisans: Nous pouuons dire sans crainte que nostre bourse l'a fait ce qu'il est aussi bien que les autres, & que de douze ou quinze partis qui ont esté faicts depuis la mort du feu Roy, il en a touché plus de trois cens mil liures, outre la gaillarde pension annuelle, nous le faisons courir, trotter & crier au Conseil, sur la Royne & à la Mareschalle, tant que nous voulons, & imittant la statuë de Memnon nostre Soleil le fai& parler, ie dis nostre or, nous rend sa presence fort belle, douce, amiable & remplie d'honesteté & de seruice, quoy que son naturel soit aussi fort superbe & rude, que de son ignare & insolent clerc, & est sa vanité & ambition telle, qu'il croit estre desia Chancelier de France, au moins scay-ie bien qu'il fait ce qu'il peut pour y paruenir, mais il ne se rompra iamais la teste en ceste charge.

O qu'il est bien d'humeur contraire à vn lourdaut estourdy, qui ne nous escoute que par humeur, & ne parle que par boutade, il veut de bon papier, & faute de ce nous ruine par radiations en nos Estats & par souffrances: endiable qui ne voit ny veut cognoistre nostre Croix (aussi n'est-il point Catholique) ny autre metal que celuy que le Roy luy donne, aussi nous le fuyons comme peste des Financiers: Ses Commis font mieux que luy: car ils prennent fort bien nos pistolles, mais pour cela ils ne font rien pour nous, carce maistre ne veut croire nostre Euangile.

Il reproche aux Tresoriers de l'Espagne leurs larcins, & dit qu'il est impossible de viure en



homme de bien, & auoit gaigné douze cens mil escus en sa charge, (comme il se voit en deux qui ont cela vaillant, il nomme les deportemens de telles gens, volleries, pour le triennal, il ne va pas du pair avec les autres, mais il est recogneu de valloir moins que tous eux, aussi est-il plus que les autres deux, car il est des Gentils-hommes ordinaires de Pilate.

Les Trésoriers de l'ordinaire & de l'extraordinaire sont tous faucaires à ce qu'il dit: & defaict leurs comptes ne sont remplis d'autre chose, que de faux rolles & acquits, & moy qui parle à vous, ie vous assure que i'ay veu en l'annee 1609. ou 1610. Collon & Fabry l'un à l'enuy de l'autre, lors qu'ils faisoient verifier leur Estat à l'Arcenal, auoir baillé mil pistoles à celuy qui traualloit pour passer des taxations & des regiments qui ne furent iamais au monde.

Quant aux Thresoriers des Lignes, quoy que ses parents, il les nomme volleurs, & de faict, si la recherche qui auoit esté commēcée du viuant de feu Monseigneur le Comte de Soissons eust eu lieu, la France en seroit plus riche, ou du moins quitte enuers les Suisses, de plus de huit cens mil escus.

Que pensez vous qu'on die de Lancy, iadis tailleur d'habits de feu Monsieur le Cheualier d'Aumalle, & de Moissat cy-deuant marmiton, Lacquay, & depuis Tailleur de feu Monsieur de la Guelle, Procureur General en la Cour de Parlement, que ce sont honnestes gens de leur mestier, quant à Morant il est sans enuie, parce qu'il est fort officieux, & bref nostre caballe ne

peut estre esbranlee qu'avec bien de la peine.

Ie vous diray dauantage que du temps de nos feux Roys tout estoit saint, parce qu'on n'admettoit aux charges que des personnes de merite & de qualité, excepté le sieur de Buffi, contre lequel Monsieur Seruain harangua plusieurs fois au Parlement: Mais depuis que ceste race maloutrüe a mis le neds dans nostre Contoir, nous auons appris à raturer le parchemin, à lauer le papier, à contrefaire l'escriture, à falsifier les signatures, à supposer des hommes, à falsifier & à rogner les especes, & à voller & brigander ceux qui ont à faire à nous.

Dequoy seruoit à ce faiseur de memoires de parler du President Gobelin, il n'est plus comptable, & l'abolition couure ses crimes passez: n'est-ce pas offencer vn homme qualifié, qui ne pense qu'à conseruer sa bonne fortune & à s'enfeuelir dans les trefors.

Pourquoy blasme ou le gendre de Garrapt, son beaupere n'est plus comptable, & puis il a esté purgé par arrest de la Chambre de iustice, quil'a condemné à estre pendu & estranglé.

Quant au Gué il n'est plus avec son maistre Habert, & d'ailleurs Beaufort ne peut ignorer que ledit Habert ne soit des partisans de la chambre d'Iniustice, sous le nom de Niuelle, & qu'il n'ait poursuiuy de nous faire tous pendre, tant il est fidelle à ses Confrairés, s'estant ietté parmy ceste quanaille, pour scauoir le secret de l'escole, & profiter de nostre perte.

Or Mesieurs, si vous scauiez la raison pourquoy nostre faiseur de memoires crie contre les  
partisans

partisans sans les nommer, vous n'en feriez gueres de compte, c'est qu'ayant proposé le rachapt vniuersel du domaine apres la reuocation de la Chambre de Iustice, il l'est trouué si court en ses supputations, qu'il n'a peu faire compagnie, car nous ayât assemblé par diuerses fois en son logis, & descouuert le secret de sa proposition, nous nous moquaimes de luy, de sa vanité, & de sa folie, & voyant qu'il ne pouuoit dupper les financiers, pour en auoir de l'argent, ny esperer aucun desdommagement sur ses coffres, il iura d'escrire contre nous, & faire faire renoueller la Chambre de Iustice à la premiere tenuë des Estats.

Il crie donc contre les partis, parce qu'il n'en a peu estre, & contre les desdommagemens, parce qu'il n'en a peu auoir: car si feu Pauler, si Moisset, si Barbin, Fedeau, Durier & autres l'eussent associé aux desdommagemens qui leur ont esté accordéz: Mesmes Barbin des cinq cens soixante mil liures des parties casuelles, il ne les eust iamais compris dans ses memoires.

Au surplus ce qu'il a dit touchât lesdits partis est fort veritable: mais il n'en sçait pas beaucoup, parce que le pauvre homme ne s'est pas beaucoup meslé d'affaires, l'estant contenté de planter des choux en Normandie: & quand vous en demanderiez la reuision ou la reuocation ie n'en serois pas marry, pourueu que vous laissiez celuy des Aydes & des debets des quitançes où i'ay grand interest.

Mais oyez ie vous prie nos faiseurs de memoires, *Les maluersations, disent-ils, commises & consenties par les Ministres & Officiers des Finances, &c.* Tout beau



Messieurs. vous attaquez le Conseil du Roy, & toutes veritez ne sont pas bonnes à dire en ce siecle.

Vous les accusez desvolleries que nous faisons, car qu'est-ce à dire, les consentir, sinon les permettre, les autoriser & y participer? Hola causeur, ne sçavez vous pas que c'est vne grande impieté, & iniustice extrême de l'ataquer aux dieux, & que faites vous? à quoy pensez vous? Vous n'estes pas sages, car si bien nous ne pouuons voler impunément que sous l'adueu des lettres patentes, Arrest du Conseil, Ordonnances, acquits? parans & sur le Roolle de la sepmaine, que nos Directeurs arrestent, toutesfois c'est penetter trop avant dans les affaires d'Estat, & si vous continuez ie crains que vous n'espargnez pas mesme la Chancellerie, car nous en sommes aussi bié

Après les guerres d'Espagne, c'est à dire les dernieres de la ligue, le feu Roy trouua bon de se seruir du Duc de Sully, qui n'estoit lors que Rosny seulement; nous ne le cognoissiois point encores, car il auoit eu fort peu de nom dans la France? & durant ces premieres annees & la superintendance il nous traita si mal à Poitiers, à Limoges, & par tout ailleurs, que nous eussions desiré qu'il n'eust iamais veu le Soleil, d'autant qu'il ne pouuoit comprendre nostre jargon, tant il auoit l'esprit lourd, ny nous approuuer ses rudesses, par ce que nous sortions de la douceur de feu Monsieur de Do, pour entrer en la barbarie de ce nouveau venu: Nous tastames deslors tous les endroits de son ame, & nous souuenant que le serpent tenta la femme, & la femme fit peche: l'homme, nous

fiſmes nos oblatiōs à cette nouuelle Eue: Ce qui nous ſucceda ſi bien, que nous commençames à brouïllet par tout, faire affaire tâtoſt par l'adreſſe d'un beau fraiſé, puis par la voye d'un Treſorier, apres d'un Medecin borgne, par fois d'un Secretaire: la guerre de Sauoye vint: le voyage de Poictiers ſuiuit: celui de Mets dont nous auons l'obligation à Monſieur d'Efpernon, & apres celui de Limog's, puis la guerre de Sedan, en fin celle de Cleues qui nous a eſté fort bonne.

Depuis ce temps nous fiſmes les partis de ſeize annees pour le domaine & rentes, nous euſmes le penſions ſur les fermes, les parties caſuelles, la Paulette & les contens, nous faiſions trotter l'ordonnance, les Arreſts ne nous manquoient iamais, touſiours taxation, port & voidture de deniers: bref tout eſtoit occupé iuſques à Rauigny la Marchande fille de Chambre, les Maiſtre d'Hoſtel, & Lacquais, voire le Suiſſe parloit des finances à l'Arcenal.

Mais c'eſtoit vn ſiecle d'or, car nous n'auions à parler qu'à vn ſeul, luy cōtant, tout eſtoit bien paſſible, le Roy treſdignement ſeruy, l'Eſpagne abondante, point de crierie, & d'un ſol que nous gaignions, il nous en reſtoit touſiours trois liars: à preſent, c'eſt vn ſiecle de cire, & ſi elle nous eſt bien fort chere, nous auōs d'ailleurs le contr'rolle, l'intendance, & la direction à contenter, apres il faut auoir la bōne grace des Croiſez de Malthe auior de l'ancre pour eſcrire, & l'ancre encores pour arreſter noſtre vaiſſeau à bon port, adioutons y auſſi le venerable Flecelles qui eſt de tous eſcots, vous trouuerez qu'il ne nous reſte aucune

chose, & si pour tout cela ne laissons pas de voler & y continuer encore (Dieu aydant) quand mesmes vous reſtabliriez la Chambre de Juſtice.

La guerre de Cleues enfla le ventre de Fabry, & guarit Coulomp de la pierre, celles des princes, avec les voyages, de Poictiers & de Breſtagne a merueilleuſement authorisé le compaignon de l'Extraordinaire, & le voyage de Bayonne qu'on prepare couronnera l'œuvre, outre que ce deſcry des monnoyes nous vient bien à propos : car Charron a fait croire qu'il auoit pris des piſtolles à ſept liures dixhuit ſols, & qu'il ne les pouuoit paſſer qu'à ſept liures quatre, Ligny d'autre coſté a crié que les ſoixante mill liures qu'il debuoit porter à l'Elpaigne eſtoient en or, & qu'il n'eſtoit reaſonnable, que le deſchet vint ſur vn homme de bien de ſa profeſſion.

Combien penſez vous que nous auons employé de Paſſe-volants, combien d'hommes morts, trenteans ſont & plus, & toutesfois qui ſignent encore à preſent ? Combien de piſtolles faulces qui paſſent pour bonnes : Mais ie ſuis bien ſimple de vous deſcouvrir noſtre ſecret, & ſi pour tout cela, vous ne m'accordez non plus de droit d'aduſ que fait Monſieur le Preſident Ianin à ceux qui luy propoſent des affaires pour le Roy.

Si i'auois donné ſur les Aydes & fait vne enchere de trois ou quatre cens mil liures, pour m'en deſdire, n'auroy-ie pas bien toſt ſoixante mil liu. paracquit patent, comme Longuerai? Si ſur les



parties casuelles, ie serois deschargé de six cens mil liures, comme Barbin, encoré que i'eusse gagné sur mes deux annees, si sur la Navarre, i'aurois cent mil francs d'un costé, comme Moïser, & soixante mil liures d'autre baillez à Rocheportail, si sur le sel, on me deschargeroit de mon contract pour ruiner le pauvre Gondy, Bref si i'estois porteur de horte ie gagnerois quelque chose ou serois deschargé du prix de ma ferme, mais par ce que ie suis Financier, & que ie ne suis point de la direction, vous ne me donnerez rien, aussi ie ne vous en diray point d'auantage.

On vous dit, que les indulgentes abolitions sont preiudiciables, que cela force Messieurs les denonciateurs de vous faire voir les abus des Financiers & vous supplier de faire instance pour y pouruoir : & quoy Messieurs, voudriez vous retrancher au Roy le pouuoir de faire misericorde : ne le faite pas, vous n'y gagnerez rien, car sa Majesté sur la demande d'impunité de tous nos forfaits, a renuoyé nostre placet en son Conseil pour luy en bailler aduis & apres nous y pouruoir, & elperons que nous en aurons contentement.

Ie serois à la verité, bien aise d'un bon Reglement pourueu qu'il soit aussi bien gardé, que sont ceux du Conseil de sa Majesté : Mais nous vous empelcherons bien, puis vous ne le pouuez que par l'establissement de la Chambre de Iustice, & dirtes moy ie vous prie, ou vous la trouuez, car les François l'ont bannie de cest Estar, depuis la derniere composition, & de l'aller chercher, ie vous responds qu'il n'y a aucun Financier qui en voulust faire la despence, pour en

establis vne d'iniustice & d'impunité: ie sçay de mes confreres, qui bailleront tousiours mil pistoles par aduance: Combien pensez vous que les Receueurs de la ville depossede par Moisser, bailleront pour n'estre plus recherchez, encor qu'ils ayent perdu leurs offices, ie ne le vous sçau rois dire au vray, mais Moruille & saint Iulien payeront tousiours trois sols & quatre pour leur part ie le sçay bien.

Toutes fois pourueu que vostre plainte & vostre poursuite ne s'estende point cõtre les petits Financiers comme moy, mais seulement contre les gros millours, ie vous laisseray faire sans yformer opposition, car ie ne vise qu'à mes fins: Aussi on nous a desia tant taxez & grabelez que nous n'en pouuons plus, les seuls Financiers de la Cour qui vollent tout, s'exemptent de tout, & nous portons la peine de leurs fautes.

Mais que veulent dire ces beaux Denonciateurs donneurs d'aduis, *Qu'il est esouuentable de Voir des gens venus en vne nuit posseder les plus belles terres du Royaume*, ie n'en cognois point qui ne soient nays en plain iour & pour moy ie sçay bien qu'à vne heure apres midy, ie sortis du ventre de ma mere.

L'ay bien autrefois ouy dire que nos gros voleurs, auoient esté de fort malotrus artisans, tesmoing du Candal & auters comprins dans la Genealogie que Beaufort a faite des Financiers, & qu'à present toutesfois ils sont fort riches, si c'est cela naistre de nuit ie leur donne à gagner: car il est vray qu'ils sont si riches qu'ils ne sçauent ce qu'ils ont, ils possèdent la terre,

courent la mer, disposent du feu, & attendent d'auoir l'air paisible.

Il faut que ie m'explique là dessus (comme faisoit Porchere sur le Sonnet de feu la Marquise de Beaufort) ie veux donc dire que nos Financiers possèdent vne bonne partie de la France en maisons Royales & bien garnies, en rente & terres si nobles, que si le Roy ne prend garde à luy, il en releuera quelque iour: Car on prendra droit sur son Louure, ne fust-ce que Maître Iean de Moisset qui veut ioindre Ruel à saint Germain si Monsieur de saint Denys le l'empesche.

Courent la mer, il est vray, & qui ignore les grands traffiqs des Tresorier de l'Espagne: mesme du costé des sables Daulonne, & le seigneur Moisset n'a-il pas dressé vne armee nauale sous la conduite de Beaulieu?

Disposent du feu, resmoin les pistolles fausses qu'ils debirent, & les feux qu'ils sement dans l'Estar.

Mais quand à l'air ils ne le peuuent encor' goûster: car il n'y a pas vn d'eux qui vueille boire avec Iean Guillaume, c'est pourquoy on a tort de leur reprocher qu'ils sont venus en vne nuit, il eust bien esté meilleur de dire qu'ils cherchent la nuit & courent pour euster la châtre de Iustice.

Et quoy? y voudroit-on comprendre le premier Commis qui a joué tout son bien en vne nuit, certes on auroit tort de luy reprocher son opulence, puis qu'il est sans office, sans maison, & sans credit, & si ses beaufreres luy tournoient le dos, à Dieu mon maistre, il est né en plain iour, celuy là on y ie vous en assure.



Je ne parle point de mes compatriotes Normans qui me font boire du Citre, ie les reserve à Beaufort, ils sont honnestes gens, & estans bien payez, ils font plaisir aux compagnons: non pas si noblement que faisoit Zamet, qui prestoit aux Courtisans sans vsure, & en galand homme, ceux cyle font en Financiers, c'est à dire, sous bonne assurance, & moyennant cent pour cent.

Il est bien vray que j'ay vn peu à me plaindre d'eux, qu'ils me volent vn quartier de mes gages & de mes pensions aussi (car ie suis pensionnaire) & me payent fort mal, du reste, encor qu'en la derniere recherche de l'an mil si cens sept, ils m'eussent promis toute faueur, mais par ce que les plaintes des particuliers ne sont point receues en vostre assemblee, & que vous auez iuré, lors de la proceffion generale, de ne faire iustice à aucun particulier, ie ne vous presenteray point ma requeste, & ay me mieux courre le Rethelois avec vn capuchon vert & jaune, comme maistre Paul le Iau, sieur du Vertan, que courre le hazard d'estre rebuté.

Et bien par l'advis de ces denonciateurs vous demandez vne chambre fixe & permanente, & ne sçavez vous pes bien que vous estes à Paris, où tout brantle & remue, & que ce qui est bon vn iour, ne l'est plus l'autre s'il ne brantle tousiours: quād ceste chābre seroit composee de pierres du Louure, de celles des Thuilleries, de l'Arcenal, des tours de nostre Dame, voire de tout Paris encorē brāsseroit elle, & ne seroit pas assuree: quoy le Financier, qui croyez vous qu'il soit? il est si puisant qu'il est par tout où le Soleil entre.

Ce que

Ce que ie trouue de meilleure grace, est le  
chois que vous faictes des Iuges, ie dits qu'on  
veut que vous en faciez : car ceux qui en ont  
esté cy deuant ne s'en messeront plus: & pleust  
à Dieu qu'ils en fussent, nous n'aurions guere  
de fortune à courre, tout y est pour nous  
(Mōsieur Magot hors) des pattes duquel Dieu  
nous garde, Puget en diroit des nouvelles,  
fil nous vouloit raconter son interrogatoire  
sur les faures & extraction, & Placin qui de-  
puis a fait gilles, nous en diroit quelque chose

Aussi est-il assez empesché à la reuision des  
comptes de la maison de Monsieur le Duc de  
Gnise: & que pensez-vous? ie plains le pauvre  
Secretaire jadis Intendant de ceste maison, &  
son beau-frere qu'on accuse de vol de cēt mil  
escus d'argēt d'Espagne! O bon Dieu ils sont  
bien fins, mais ceste longue robe les tient par  
l'oreille.

Toutesfois i'ay ouy dire que ceux que vous  
proposez au Roy ne nous ferōt point de mal,  
ny de déplaisir, car nous auons de belles filles  
& ieunes, que nous marierons avec les enfans  
de ces nouveaux Iuges, & baillerōs des pistol-  
les à ceux qui n'en ont gueres: sur tout nous  
vous prions de nous y donner d'honnestes  
bourgeois du change, qui entendent bien le  
numero & le pair.

De supplier sa Majesté comme on vous per-  
suade de ne bailler aucune abolition, ce seroit  
estre impie, car sur tout vous sçauiez biē qu'elle  
n'oseroit dire son Pater en saine conscience,  
& sans offenser, s'il ne pardonne à ceux qui

l'offensent, encore que le Pere Cotton le luy  
promit de la part de leur General, qui a pou-  
uoir de dispenser de tout, voire iusques de bien  
faire, moyennât la gaillarde recompense qu'il  
nomme aumoine pour la sainte Societé.

Messieurs, Messieurs des Estats excusez le bon  
homme, & pardon aux Financiers pour Dieu:  
ils sont fort honnestes gens, ont bonne miné,  
sont richement couuerts, portent bien perru-  
ques, leur barbe est bien faite, leur fraize gau-  
diōnees, leurs rabats bien tirez, ce seroit trop  
grand dommage de les prendre, ils ont des  
pistolles de mise, & quand il vous plaira ils  
vous bailleront vn plat de leur mestier.

Ce ne sont point crocheteurs qui vous en  
priēt, car il ne leur sçauoit eschoir pis, ce sont  
d'honestes Tailleurs, nobles Chauffetiers,  
honorables Lacquais, & Gentils-hommes  
meusniers Financiers: & pour nous petits Re-  
ceueurs des tailles, si vous nous promettez de  
ne nous cōprendre point au party, nous vous  
permettrons toute recherche, encore qu'elle  
fust contre Maistre Louys Arnault à present  
Tresorier des Ponts & Chaussées, & payer  
des bouës de Paris, moyennant trois cens mil  
liures au profit de qui vous sçaez, aussi a-il  
voulu estre Tresorier de l'espargne, au lieu de  
Puguet, pour cent mil liures, & a couru la hart,  
ie dis le hazard de l'estre, n'estoit l'enchere  
que Almeras & Habert y ont faicte, iusques à  
neuf cens mil liures, à la charge du mariage  
dont vous auez ouy parler.

A la verité, vostre poursuite & l'instance



que vous en faites, nous fait peur, il n'en faut point mentir: si vous auez peu dire aux Officiers souuerains, que vous ne le recognoissez point, & que vous les voulez reformer, que deuons-nous croire de nous qui sommes subalternes, & n'estoit que ie suis asseuré de retraits dans la ville de Sedan, & Charles-Ville, où l'autorité du Roy n'est point encor cogneuë, ny les Arrests du Parlement en vigueur, ie ferois comme les autres: pourquoy croyez vous que le general Laubespine ait pris l'espée: que le general Arnaut soit Capitaine: & le fils de Montecot Gentil-homme, si ce n'est pour nous deffendre: il est vray qu'il a mal succédé à celuy cy, & s'il eust toujours esté Financier, Iean Guillaume ne l'eust osé regarder, au lieu qu'à present il fait la mouë en grée, & est vne table d'attente pour ses confreres.

Nostre faiseur de memoire a ouy parler autresfois des affaires, car il vous dit vray, sur les assignations de l'espargne, & sur le profit que feront les Thresoriers des pensions, mais il en faut remercier Madame la Duchesse future, de qui en a touché les deniers, aussi bien des Secretaires de la Chambre du Roy, & des Thresoriers des Ponts & Chaussées, au preiudice de ceux qui luy en ont baillé l'aduis: me voulez-vous croire, prenez ce faiseur d'offres au mot, vous ferez seruice agreable au public, & vous verrez que ce n'est qu'un content sans gettons, non plus fidele à son calcul, que ceux qui ont mesprisé le rachapt de trente millions

du Secretaire de la Royne Marguerite, pour la faire trouuer ridicule & sans fondement, parce qu'il descouuroit trop le haut mystere, empeschent la recherche des Comtes de Parant, & de Here miraculeusement ressusité, & qui ont fait reietter le party des partis, & vous trouuerez que ce Gentil-homme Financier vous fera bien tost cession de biens: si vous le poursuidez à tenir son offie, s'il ne baille des pistolles, pour en estre releué par lettres du grand seau, ou par arrest du conseil, ou par vn répit de propre mouuement & pleine puissance, en quoy il aura plus de fortune qu'en la folle enchere qu'il paya l'an mil six cens cinq, pour n'auoir accomply ce qu'il auoit proposé sur les aydes & sur le sel, & depuis ce temps nous le pouuons appeller l'honneur du conseil, car c'est luy qui a baillé les grosses chesnes d'or que les Huissiers portent à present.

Ie suis de l'aduis de vostre denonciateur, Messieurs, faiétes regir l'espargne, les parties casuelles, & les autres grandes charges par cōmission, ie sçay vn fond pour rembourser les pourneus, lequel ie vous diray, pourueu que vous bailliez l'espargne, ou l'extraordinaire à Beaufort, & les autres charges à ses compagnons, mesmes, le controolle, puis que Monsieur le President Ianyn ne le veut pas tenir, ou ne le peut, s'il ne controolle tout ce que luy sera cōmandé par la Marquise, mais en ce qu'on vous propote d'establis des Controolleurs, & les rendre responsables desdits Commissions: ie vous declare dès à present que ie n'en

veux point, ny en don, ny par Finance, & si vous m'en pressez par trop ie sortiray de France, ie n'ayme point les reglements du Chancelier de l'hospital, il n'est pas de l'année mil six cens quatorze, ie vous en assure, c'est pourquoy ie vous en remercie de bon cœur, peut estre en trouuerrez vous d'autres qui ne sont pas si delicats que moy, mais ie ne scaurois qu'y faire, i'ay leu l'Escripture sainte, & la legende des Saints, ie refuse les charge, par ce que ie n'en peux auoir.

On nous dit que vous voulez que nous bail lions nos biens par declaration, auant qu'estre Officiers: Pourquoy cela? nous n'en ferons rien, car il n'est pas iuste que vous sçachiez le secret des familles, si vous n'establisiez le Greffe des nantissements que Estienne vous propose, si vous ne faites ce que des Noyers, saint Martin vous dict, ou si ne nous permettez de retirer apres du Greffe, de la Chambre des Comptes nostre declaration, comme a fait Monsieur de Sully, & nous le desirerons par Edict, encor qu'il ne soit verifié: car nous croyons que ce qui est par vous resolu, ne doit estre suiet à aucune verification de Court, dequoy vous deuez faire vostre profit, autrement nous aurons des personnes supposees tant & plus, & nos femmes seront separees, & nous deurons plus que nous n'aurons vaillâr, combien pensez vous que le President Gobelin, & autres confreres, ont fait d'acquisitions sous des noms supposez, depuis la Chambre de Iustice, ie ne le vous scaurois



dire, tant le nombre est grand, le Duc de Sully y auoit bien pourueu, car pour les deniers du Roy, il auoit fait reuoker toutes separations de biens & ventes faites, & ordonné la preference à sa Majesté. C'estoit vn braue homme qui scauoit nous brider quand il le vouloit faire, mais nous auons faict supprimer cet arrest-là, & le faisons trouuer iniuste.

C'a que ie rie avec vous de ceux qui veulent qu'on nous face lire les Ordonnances auant estre receus en nos offices, qu'elles soient affichees, & que les Huissiers de la Chambre les cryent, & croit on que nous en fassions mieux nos charges: & pour ce a nous en soyons plus gens de bien, ne le croyez pas, nous scauons plus de bien que nous n'en voulons faire, si Beaufort ne scait autre finesse qu'il se retire, car iulques là il ne dit rien qui vaille, non plus que des promesses en blanc, que tout le monde scait n'estre plus en vſage depuis que Monsieur le premier President l'eust deffendu en faueur de son nepueu.

Bestise de dire qu'il faut acquitter les charges des generalitez, des deniers qui si leuent, auant que les transporter ailleurs, c'est ce que nous faisons: mais cela n'empeschera pas nos griuelles: car les assignez sur nous sont contraincts de compoſer de leurs assignations, ou s'en retournent à vuide: Monsieur de Sully auoit mieux rencontré, parce qu'il faisoit tout payer à l'espargne, fors les charges ordinaires, mais Beaufort n'entend pas cela.

Et quoy. Veut-on deffendre les contants: Si

vous en parlerez, ie m'en vay plaindre à Madame la Marquise, car comment est ce que nous courrons nos gruelles, & elle les grands deniers qu'elle tire sous le nom de leurs Majestez: Pensez y bien, Messieurs, cest affaire est aussi importante pour nous, que la Paulette, & que pour le bié de l'Estat, est ceste Loy que vous voulez estre establee comme fondamentale, touchant la sacree personne des Roys, encor que le Clergé l'y oppose, & que Messieurs les Cardinaux menacét de nous excommunier, si nous ne croyons que le Pape peut deposer nos Roys, dequoy nous ne nous soucierons guieres, puis que Monsieur l'Advocat du Roy a promis de nous faire recevoir en nostre appel comme d'abus.

La suppression des offices, mesmes des Treasoriers generaux nous est aussi indifferente, que celle des Esleus & Receueurs des Tailles qu'on vous propose: car tant plus de bon reviendra au Roy, tant mieux nous y ferons nos affaires: mais ces Messieurs ne vous disent pas le moyen qu'ils ont de les rembourser: car de vous attendre à la Chambre de Justice, ou en la revente qu'on veut faire des Offices, ie ne vous le conseille point, vous en sçavez les raisons, non moins importantes que celles qu'ont rappellé Monsieur de Ville Joy.

Crions à present contre le faiseur de memoire, declarons-le criminel de leze Majesté, puis qu'il propose de moderer ou d'abolir les dons, pensions & recompenses, car c'est faire perdre à la Majesté le nom de Roy, de bon, &

de pere du peuple, si on veut qu'il ne face plus aucun don : pour mon particulier, i'en serois bien fâché, parce que ie perdrois les mil frâcs que Monsieur le Marefchal me donne, comme cousin, & d'ailleurs ie m'attends à la confiscation d'un Financier, pour faire fortune, avec vostre permission, outre que i'ay part au droit d'aduis, de tous les deniers qu'il plaira à la Royne accorder cy apres à Madame la Marefchale, si vous ne pouruoyez à ce qu'il ne luy en soit plus baillé, ce que ie croy qui vous sera bien difficile, à présent qu'on parle d'alliance avec Monsieur d'Espernon, à la charge de le faire Connestable, & de huit cens mil escus de mariage.

Mais par ma foy vous estes d'estranges gens, de parler contre la direction, pour faire établir un Conseil des Princes, car comme la premiere vous estoit vtile & necessaire, la derniere vous est nuisible, d'autant que procedant à la reformation, il n'y a plus de moyen de parler de recompense; & le bon pere desdommageant est mort pour nous, toutesfois ie croy que nous ferôs bien tost cognoissance car on nous dit que partie de nos bons amis de la premiere direction, y sont introduicts, mesmes les intendant, à la charge qu'ils y serôt debout & teste nuë, ou y deuoit adiouster à genoux, pour leur faire faire amende honorable: mais la Roine est misericordieuse. or Messieurs raillerie à part, il faut que ie vous die quelque route chose d'importâce, & qui nous touche, c'est q la France ne peut esperer aucune reformation



mation des desordres qui l'opprimēt, ny se promettre vne fin heureuse de l'entreprise de vostre assemblee, si toutes vos propositions & vos desirs ne s'ont reglez par le seruice de Dieu, par celuy du Roy, & par le bien du peuple, afin que ces trois ioints ensemble, facent refflorir les lys de ceste Couronne (ternis depuis tant d'annees) & rendent les François admirables & redoutables à la posterité.

Mais comme il est impossible d'y paruenir si le Conseil de nostre grand Roy, n'est composé des personnes qui ayent les mesmes inclinations & volonte, la chose que vous deuez faire auāt toute œuvre, c'est de cōposer ce conseil, & pour iceluy proposer à sa Majesté, à la Roynne sa mere & à Messeigneurs les Princes, des personnes dont la probité soit cogneuë, & bons François.

Car on ne peut establir le seruice de Dieu, qui consiste en Vnion de creance, ny celuy du Roy, qui gist en vnion de volonte, ny du bien du peuple, qui est la paix & le retranchement des abus qui sont dans l'Estat, tant que nous aurons vn conseil composé d'estrangers, de mauuais François, gens qui sement la zizanie entre les deux Religions, & qui n'aspirent qu'à leur reestablishement & grandeur & à faire leur fortune dans nos confusions: car ils peuuent trahir l'Estat ne s'y passant aucun chose que par leur volonte, vendre la Iustice, & ruiner les Finances, puis qu'ils establisent & depossèdent qui bon leur semble, tellement qu'il seroit trespernicieux de confier à leur cōduite, les secrets de nostre Couronne: seroit pure folie d'atten-

dre la reformation de iustice, de ceux qui ont introduit le vice de la corruption, & ne se doit-on promettre que ceux qui par vne infinité de meschancetez, ont fait leurs maisons des plus riches de France, qui possèdent toutes les grandes charges, qui establisent l'auarice & la tyrannie dans les Cours souueraines, dissipent les deniers de la Bastille, & de l'espargne, bref qui mettent tout en party à leur profit, puissent entendre à vne sainte reformation.

La ruine du peuple, est leur seul desir, & leur salut. C'est pourquoy leur Cour n'est remplie que de sansues, & pestes publiques, de coyons & de partisans, auxquels seuls ils conferent leurs graces: Establissez donc vn bon conseil, Dieu sera seruy, le Roy respecté, & le peuple soulagé: pour y paruenir, il faut reduire les affaires au poinct qu'elles estoient du viuant du feu Roy, continuer la paix entre les deux Religions, afin qu'on viue en bonne volonté & intelligence, le seruice de Dieu soit célébré librement & en toute liberté de conscience, iusques à ce qu'il plaise à la diuine Majesté nous enuoyer là dessus, le secours que les hommes ignorent.

Bannir des conseils de la Majesté, ce nombre effrené de Conseillers nouuellement faits: les regler au nombre où le Duc de Sully les auoit mis, en chasser les Maistres des Requestes, & leur chicanerie, ne cognoistre d'aucune chose qui ne soit digne de l'autorité de ce conseil, & y traicter tout sommairement.

Abbolir les pernicieuses consignations desdits Maistres des requestes, r'enuoyer aux Par-

lemens, ou au grand conseil, la cognoissance des euocations.

Retrancher ceste grande liberté du sceau, & puissance absolue, faire rendre iustice aux subiects du Roy, des oppressions qu'ils souffrent par les chefs de la Iustice.

Regler le Conseil pour ses finances, reestabli le Duc de Sully en sa charge, continuer le Presidẽt Ianin au controolle, renuoyer les Intendans, & en prendre d'autres dans la Chambre des Comptes pour y seruir à tour de Roolle, ne traicter plus audit Conseil, que le reuenu & la despense de l'Estat & les debtes.

Vous deuez demander & vous opiniastrer, à ce que la Paulette soit rompue, puis qu'elle est la ruine de l'Estat, & qui nous mettra en,eternelle desolation s'il n'y est remedié, les offices venans à vacquer par mort soient supprimez, Ne aucune creation nouvelle soit faicte, & ce qui a esté fait depuis la mort du Roy soit reuoqué.

Que les gages des Financiers soient reduits au denier seize, prix commun des rentes.

Qu'aucun estranger ne puisse tenir charges, office ne benefice en France, & ceux qui en ont ayent à les quitter dans trois mois, autrement qu'ils soient declarez vaquans.

Que les comptes de l'epargne soient reueus, & soit rendu cõpte des deniers de la Bastille, tous partis reuoquez, & les partisans contrains de compter, & que ceux que depuis la mort dudit feu Roy, ont manié ou ordonné des finances, ayent aussi à compter, encor qu'ils soient à present du Conseil, dont l'entree leur sera interdite.



Que les impositions extraordinaires soient recognües, la taille diminüee, aucun subside mis sus, ny aucune guerre entreprise sans les consentemens des Estats, les pensions retranchées à ce qu'elles estoient du vivant du feu Roy, les deniers des donations immenses repetez.

Que ce monstre d'ignorance & de tyrannie d'Aduocats au Conseil Priué soit extirpé, vingt des plus entiers retenus, entre lesquels seroient les officiers des Requestes & de la Preuosté del'hostel, & que cy-apres n'y soient admis que personnes capables, & de maison sans en faire des parties casuelles.

Faites regler leurs salaires, ceux des Greffiers aussi, & leur Commis, & moderer les emolumens du sceau, & les taxes remises comme elles estoit anciennement.

Que l'Edit fait pendant la minorité du Roy, pour oster les Greffes des Domaines pour les approprier à Barbin, soit reuouqué comme pernicieux & preiudiciable à l'Estat, & procedé contre ceux qui l'ont proposé, comme criminels de leze-Majesté.

Roydillez vous à ce que les gratifications & desdommagemens exigez depuis la mort du feu Roy soient repetez : le prix des fermes de sa Majesté, payé suiuant les adjudications sans aucune diminution, si elle n'est conforme aux anciennes ordonnances : & pour ce, la descharge faite à Robin pour le sel, à Barbin pour les parties casuelles, à Masparraut pour les cinq grosses fermes, à Martin, pour le Domaine de Nauarre, & autres partisans, soient repetez & eux con-

traints d'exécuter leurs baulx.

Que les encheres cy deuant faites sur les aydes par Longueraye & Colle, soient receuës & procédé contre ceux qui les ont reiettees pour de l'argent.

Que l'Edit nouuellement fait des Secretaires de la Chambre du Roy, celuy des Thresoriers des pensions, & premiers Commis à l'espargne, ensemble celuy des Tresoriers prouvinciaux des Ponts & Chaussées soient reuoquez, puis que les deniers en viennent à la Marquise, & que la creation en est iniuste, & à charge au peuple.

Les parties casuelles & Officiers d'icelles, supprimez, ensemble tous les Offices vacquans par mort: & pour ceux qui ne sont subiects à suppression seront deliurez pour le prix de la taxe, faite en l'annee mil six cens cinq (sur laquelle le droit annuel a esté payé) à ceux qui seront nommez par les Cours, ausquelles pour cet effect la nomination à iceux sera renduë, si la Marquise qui veut tout engloutir, ne vous en empesche, comme elle a commencé par les deux offices qu'elle a desia emportez à vostre barbe.

Faites introduire les denoluts sur les Offices, comme il est sur les benefices pour contenir les Officiers en leur iuste deuoir.

Que les comprans expediez depuis la mort de Henry le Grand, soient rayez & repetez comme contraires aux reglemens du Conseil.

Qu'aucun ne puisse tenir plus d'un Office, ny benefice, & ceux qui en ont plusieurs, ayent à les quitter & s'en deffaire dans trois mois, sur peine de les perdre.

Que les concordats, sanction, indults, & autres telles inuentions humaines soyent esteintes & abolies, comme source de toute heresie & mauuaise doctrine, & qu'au lieu soient restablies les eslection legitimes & canoniques.

Sur tout que les partisans soient chassez cōme pestes de l'Estat: le Temple de iustice ouuert, & les Marchans & Ministres d'iniquité bannis.

Ie ne touche point en ce qui est des affaires d'Estat, au compte que la Royne vous veut rendre des deniers qu'elle a fait leuer durant sa Regence, au sujet de la desfaueur de Monsieur de Villeroy: à la froideur dont Monsieur le Chancelier a ysé en ceste occasion: à la depossession future du Sieur President Ianin, s'il ne controle tout ce que la Marquise luy commandera: aux nouveaux honneurs du Sieur de Pisieux, à cause du taillon & de son nouuel mariage: rien sur le mariage futur du Marquis de la Vallette, avec la fille du Marquis, non plus de celuy qu'il auoit proposé avec Monsieur le Duc de Longueuille, encor moins sur la charge de Connestable, promise à Monsieur d'Espernon: ie ne vous dis riē sur ce qui s'est passé aux Fauxbourgs saint Germain des Prez, touchans la rupture des prisons, & depuis au Palais, à la honte de la France, & au mespris de l'autorité de sa Majesté, du Parlement & des Estats generaux: ny au peu de iustice & de satisfaction qui en a esté faite: non plus de la liberté de parler de Messieurs du Clergé, contrel'autorité de nos Roys, mesme de la hardiesse de Messieurs nos Cardinaux, qui veulent faire le Roy & ses sujets es-



claues de l'inquisition de Rome, contre les pri-  
 uileges des fleurs de lys: ie ne touche non-plus  
 les assassinats que les Italiens introduisent en  
 France, contre nostre noblesse, les ayant com-  
 mencez dans Paris en la personne du Sieur de  
 Riberpray: rien sur l'infraction de l'Edit des  
 duels par le sieur de Gramonc vostre député, &  
 Marquis de la Force, ny aussi à la promesse faite  
 au Seigneur Louis Dolle, d'estre Chancellier de  
 France, de Nauarre, & des Roynes, à la premie-  
 re bourade du Marquis, pour les bons aduis &  
 conseils qu'il baille contre vos pouuoirs & au-  
 thorités: moins encores à la iustice que vous  
 deués poursuiure du parricide commis en la  
 personne du feu Roy Henry le Grand nostre  
 bon pere & au Gouuernemēt de Picardie qu'on  
 veut oster à Monsieur de Longueuille pour le  
 donner audit Marquis: bref, ie ne vous dis rien  
 sur le départ du commandeur de Siltery, sur le  
 suieſt de son voyage, ny de celuy de Monsieur  
 de la Rochefoucault, ny sur les mariages: &  
 plusieurs autres choses, dont ie ne veux parler,  
 tout cela demande des volumes entiers de Pier-  
 re Matthieu, la censure du Caton François, &  
 la plume de celuy qui vous persuade & exhor-  
 te de demander par vos cahiers l'expulsion du-  
 dit Marquis, par la lettre qu'il nous a escrite: ce  
 ne sont point affaires de finance, ie me contente  
 de vous parler, de ce qui est de mon mestier  
 seulement.

Mais souuenez vous que si vous n'obligez la  
 Roynie par escrit (pour vostre descharge) de re-  
 soudre vos cahiers auant que vous soyez sepa-

rez, on se mocquera de vous, & en sera de mesme qu'aux autres Estats où l'on n'a fait que manger le peuple: ie sçay bien qu'un suiet doit supplier son Prince, luy obeir, & non l'obliger; mais c'est à l'endroit d'un particulier, non d'un corps des Estats de tout le Royaume: en apres cela est bon à un Roy qui est en aage, & sçait commander, & non à un ieune Prince qui a l'estrangeur dans sa maison, & dans sa chambre, & qui ne voit que par les yeux de son Conseil: c'est pourquoy la liberté desdicts Estats, doit estre d'autant plus grande qu'elle est generale & publique: ie vous en aduertis comme sçauant, & qu'il ne faut point que vous pensiez de retourner en ces maisons les mains vuides, si ne voulez estre dicts deserteurs de vostre patrie infidelles, & courre fortune de plus.

Cela estant, Messieurs, ne doutez point que Dieu ne vous benisse, & que vous ne faciez mériter tous ceux qui disent que vous ne faites rien qui vaille.

Ie prie le Createur du monde qu'il vous assiste, & vous inspire la volonté de bien faire, que si vous mesprisez les larmes du peuple affligé, ne doutez point que sa Majesté diuine ne fasse iustice à ceux à qui les hommes l'auront refusez: C'est le vœu de toute la France.

*Salus populi suprema lex esto.*

